

Dana 12.11.2020. godine, u Zenici, zaključen je sljedeći

SPORAZUM O SARADNJI

između:

1. **Grada Zenica**, Trg BiH br. 6., Zenica, ID broj **4218237080009**, koju predstavlja i zastupa Gradonačelnik **Kasumović Fuad** s jedne strane, i
2. **Udruženje građana Nogometni klub „Čelik“ Zenica**, ID broj **4218244880002**, koje zastupa Predsjednik **Mušović Denis**, s druge strane,

Član 1.

Polazeći od višedecenijske međusobne povezanosti i saradnje, koja traje punih 75 godina, te novonastale situacije u kojoj se NK „Čelik“ našao prelaskom u Kantonalnu ligu ZDK,

potpisnici ovog Sporazuma izražavaju spremnost da svaki sa svoje strane poduzme mјere i aktivnost koje će omogućiti:

- bržu revitalizaciju Kluba i njegov postepeni povratak među najbolje klubove u Bosni i Hercegovini, gdje se decenijama NK „Čelik“ i nalazio,
- neometan rad NK „Čelik“, dovođenjem na nivo solventnosti i poslovanja u cilju napretka rada Kluba,
- podrška koje treba pružiti Grad Zenica kao osnivač NK „Čelik“ u cilju rješenja tekućih kao i dospjelih obaveza prema javnim komunalnim društvima i organizacijama,
- stalnu međusobnu saradnju u cilju unaprijeđenja rada NK „Čelik“ i povratak u Premijer ligu BiH.

Član 2.

U smislu realizacije cilja utvrđenog članom 1.ovog Sporazuma,

Grad Zenica se obavezuje:

- da će bezrezervno pristupiti realizaciji zaključaka Gradskog Vijeća Zenica br. 01-45-17038/20 i br. 01-45-17039/20, ova od 20.08.2020. godine. Zaključci će se implementirati i to odmah nakon što NK „Čelik“ sa nadležnom ispostavom Porezne uprave F BiH potpiše novi Sporazum o reprogramu otplate duga, kako je to preporučeno prvim zaključkom Gradskog Vijeća.
- da će prema novom Sporazumu o reprogramu duga sa Porezom upravom F BiH, čija je priprema u toku, u budžetu grada obezbijediti sredstva za otplatu poreznog duga (dvanaest mјesečnih rata godišnje u iznosu koji bude utvrđen novim Sporazumom) prema Poreznoj upravi F BiH. Obaveza Grada Zenica je da u budžetu za svaku godinu koliko traje

Sporazum sa Poreznom upravom F BiH obezbijedi sredstva u iznosu godišnje obaveze utvrđene novim Sporazumom.

Grad Zenica se obavezuje mjesecni iznos rate po osnovu Sporazuma o reprogramu duga NK „Čelik“ Zenica uplaćivati na račun Porezne uprave F BiH, kako to bude naznačeno u Sporazumu o reprogramu duga koji NK „Čelik“ zaključi sa Poreznom upravom F BiH.

- da će novčana sredstva oprihodovana od zakupa svih poslovnih prostora na stadionu Bilino polje, Grad Zenica od 01. januara 2021. godine, prenosi na račun Omladinske škole NK „Čelik“, do 10. u mjesecu za prethodni mjesec. Sastavni dio ovog sporazuma čini prilog 1 (lista poslovnih prostora, sa površinom, zakupcem i visinom zakupnine).
- da će aktivno učestvovati, posredovati i pomagati u razrješavanju spornih situacija između Kluba i javnih preduzeća čiji je osnivač Grad Zenica, koji se pojavljuju kao davaoci usluga klubu NK „Čelik“ ili povjerioci Kluba.

NK „Čelik“ Zenica se obavezuje:

- da će racionilizirati troškove svog djelovanja u narednom periodu na način da bude omogućeno funkcionisanje Kluba u novonastalim okolnostima,
- da će putem sporta i sportskih aktivnosti promovisati Grad Zenicu,
- da će aktivno raditi na omasovljavanju Omladinskog pogona i raditi na promociji omladinskog fudbala,
- da će u cilju transparentnog trošenja sredstava dostavljati tromjesečni finansijski izvještaj Gradonačelniku i Gradskom vijeću, s posebnim naglaskom na utrošak sredstava uprihodovanih od zakupnina poslovnih prostora na stadionu Bilino Polje.

Član 3.

U slučaju da NK „Čelik“ ne bude redovno ispunjavao svoje obaveze po potpisanim reprogramu, Sporazum se automatski raskida.

Član 4.

Sporazum stupa na snagu danom potpisivanja, a primjenjivat će se odmah po potpisivanju novog Sporazuma o reprogramu poreskog duga između Porezne uprave F BiH i NK „Čelik“ kao poreskog obveznika.

Član 5.

Ukoliko strane potpisnice ispunjavaju svoje obaveze po ovom Sporazumu redovno, na pisani zahtjev NK „Čelik“ do kraja tekuće godine, Sporazum se automatski produžava za narednu godinu do završetka plaćanja reprograma.

Član 6.

Sva eventualne sporna pitanja i sporove u toku realizacije ovog Sporazuma potpisnici će nastojati riješiti sporazumno, a u protivnom nadležan je Općinski Sud u Zenici.

Član 7.

Ovaj Sporazum je sačinjen u 6 (šest) istovjetnih primjeraka, od kojih svaka strana zadržava po tri primjerka i rezultat je saglasnih volja obje strane, koje ga u znak punovažnosti potpisuju i ovjeravaju.

